

28 OCTOMBRIE
RUGACIUNEA
SF. MARI MUCENITE
PARASCHEVA DE LA ICONIUM

Молѣтва

Святая невѣсто Христова, многострадальная мученице Параскево! Вѣмы, яко от юности твоея ты всею душею твоею и всем сердцем твоим возлюбила еси Царя Славы, Христа Спасителя, и Ему единому уневестила еси, раздавши имения твоя неимущим и бедным. Ты силою благочестия твоего, твоим целомудрием и праведностию, яко лучами солнечными, просияла еси, живши свято среди неверных и безбоязненно проповедавши им Христа Бога. Ты, от дней юности твоея, наученная твоими родителями, всегда благоговейно чествовала дни искупительных страстей Господа нашего Иисуса Христа, Егоже ради и сама добровольно пострадала еси. Ты, десницею Ангела Божия от неисцельных ран дивно исцеленная и восприимшая неизреченную светлость, изумила еси неверных мучителей. Ты, именем Господа нашего Иисуса Христа и силою молитвы твоея в

капище языческом всех идолов долу повергнуши, в прах сокрушила еси я. Ты, опаляемая свещами, единою молитвою твоєю ко всесильному Господу угасила еси огонь естественный, и тем же пламенем, чудесне возжженным чрез Ангела Божия, попаливши неистовых беззаконников, много народ привела еси к познанию истинного Бога. Ты, во славу Господа приявши мечное главы твоея усечение от мучителей, доблественно скончала еси страдальческий твой подвиг, возшедши душею твоєю на Небеса, в чертог вождельного твоего Жениха Христа Царя Славы, радостно сретшаго тя сим небесным гласом: «Радуйтесь, праведнии, яко мученица Параскева увенчася!» Темже и мы днесь приветствуем тя, многострадальная, и, взирающе на святую твою икону, с умилением вопием ти: всечестная Параскево! Ве́мы, яко ве́лие имаши дерзновение ко Господу: умоли́ у́бо Его́, Человеколю́бца, и о нас предстоящих и молящихся ти. Да подаст Он и нам, якоже тебе́, терпе́ние и благоду́шие в беда́х и ско́рбных обстоя́ниях; да да́рует Он, хода́тайством твоим и заступле́нием, радостное, благоде́нственное и мирное жити́е, здра́вие же и спасе́ние, и во всем благо́е поспеше́ние возлю́бленному на́шему оте́честву да ниспо́слет свято́е Своё́ благослове́ние и мир, и всем правосла́вным христиа́ном да пода́ст твоими́ святы́ми моли́твами утвержде́ние в ве́ре, благо-

че́стии и свя́тости, преспе́яние же в христиа́нской любви и вся́кой добродётели; да очисти́т нас гре́шных от вся́кия скве́рны и поро́ка; да оградíт нас святы́ми Свои́ми а́нгелами, да засту́пит, сохрани́т и поми́луе́т всех свято́ю Своёю благода́тию и соде́лае́т насле́дниками и прича́стниками Небе́снаго Своёго Ца́рствия. И тако́улучи́вше спасе́ние твои́ми святы́ми моли́твами, предста́тельством и заступле́нием, всесла́вная неvéсто Христо́ва Параске́во, просла́вим вси пречестно́е и великоле́пое и́мя дивна́го во святы́х Свои́х и́стиннаго Бо́га, Отца́ и Сы́на и Свята́го Ду́ха, всегда́, ны́не и при́сно, и во ве́ки веко́в. Ами́нь.